

建寧府志卷之四

風俗

風俗移人其來尚矣然而與化移易固未始有
一定之常也建州至宋而諸儒繼出蔚為文獻
名邦其流風餘韻于今益盛近年雖稍有文勝
之弊然揅弊之機存乎司牧耳

閩稱第一郡

宋熊克記

備五方之俗

宋張叔椿舊志自五代亂離江北士

大夫豪商巨賈多避亂在此云云驗今俗果然

家有詩書戶截法律其民

建寧府志卷之四

葉丹友三百七十

之秀者狎於文負其厲氣者亦悍以勁

宋韓元吉記

男女不混於途少長各攻其藝民畏官府士重清

議

舊志

農力甚勤不事商賈末技

同上

晦翁西山二先

生過化之邦流風餘韻宛然猶存

國朝楊榮記云

按建歲時則元日拆年家潔聽宇陳酒果焚楮幣以拜上下神祇○慶節饗祀畢序拜稱觴祝壽者壽然後親族里隣更相造拜至初五日而止○謁塚○祭竈○祭門祭竈祭門皆以五日祭○立春春餅○上元觀燈人家各於門首跨街為棚張燈以恣觀賞自正月十二日起至十七日止城中弛夜禁簫鼓之聲徹於閭巷按舊志云云今民窮財匱張燈者少○社日喫粥○清明登墓○挿柳折

柳枝挿門之左右俗謂之辟邪○三月三日為飯
 取南燭木莖葉搗碎漬米為飯成緋色以食且各
 相饋遺俗謂目連是日作此供母故効其然○浴
 佛僧人以四月八日為釋迦誕日乃自初一起至
 初八日止以香水浴佛率童子歌佛曲鳴鼓樂喧
 於道途沿門求施○端午懸艾飲菖蒲酒食角黍
 競龍舟○七夕乞巧是夕兒女羅果酒於庭拜牛
 女星乞巧取小蟠子以盆盛之平明視成繭者為
 得巧○中元盂蘭盆會郡人於是日至東嶽廟設
 祖考齋筵薦獻士大夫則各祭於家○宴社每歲春
 社日具鷄豚酒食以祀土谷之神已乃會宴盡
 歡而退○重陽登高是日以粉米為糕交相饋送
 謂之壽糕○十月朝薦糗是日以豆米糗祀先然
 後交相饋送○冬至薦米圓○歲除祀竈○饋歲
 以牲酒相饋遺○桃符○爆竹○守歲竟夕不寢
 待旦○其冠禮則士大夫家行之○婚禮亦多行
 親迎者初建俗婚姻重閨閤近則稍異於昔矣○
 喪初民間喜作佛事弘治中邑人御史滕祐倡鄉
 約生員雷樂謝環謝純等佐之自士大夫家始漸
 至民間二十年通行家禮而佛事絕少為之嘉靖
 以來有一二士大夫家又治浮屠而民又趨之至
 於龔舍奠歛之儀則一遵家禮○祭禮士大夫家
 間有行四時之祭者民家則以歲時祭之

建寧府志卷之四

二

續再友九

建寧府志卷之四

終